



Sa Ngalan ng Allah
Ang Mahabagin, Ang Maawain

Ang Mga Alituntunin At Magagandang Kaugalian Sa Islam



المكتب التعاوني للدعوة وتوعية الجاليات بالربوة
ISLAMIC PROPAGATION OFFICE IN RABWAH
P.O.BOX 29465 RIYADH 11457 - TEL 4454900 - 4916065
FAX 4970126 - E-Mail:rabwah@www.com

Isinalin ng: Zulfi Foreigners' Guidance Office

P.O. Box: 182 Zulfi 11932
Saudi Arabia
Tel.: 06 4225657
Fax: 00966 4224234

Unang Limbag 1427 H., 2006 CE

Ang lahat o anumang bahagi nitong aklat ay maaaring gamitin sa anumang pamamaraang paglalahad hangga't ang nilalaman nito'y hindi inililihis sa tamang kahulugan at diwa nito.

Nais naming ipaabot ang aming taos-pusong pasasalamat sa lahat ng tumulong sa pagpapalimbag ng aklat na ito. Nawa'y biyayaan sila ng Allah sa kanilang mga pagsisikap. Kung mayroon kayong pagtutuwid, puna o katanungan hinggil sa aklat na ito, mangyaring makipag-ugnayan lamang sa: **www.islamhouse.com**



1427 H
[994]

Inilimbag ng:

The Islamic Propagation Office in Rabwah
Tel. 4454900 - 4916065
www.islamhouse.com

©

www.islamhouse.com

4916065 – 4454900 :

www.islamhouse.com :

Ang Mga Nilalaman

#	PAKSA
1	Ang Panimula
2	Ang Katapatan at Takot sa Allah
3	Ang Shirk at ang Tawheed
4	Ang Panganib ng Pagpapakitang-tao
5	Ang Panalangin
6	Ang Karunungan
7	Ang Pag-aatas sa Mabuti at Pagbabawal sa Masama
8	Ang Wastong Pag-aatas sa Mabuti at Pagbabawal sa Masama
9	Ang Pagiging Mabuti sa mga Magulang
10	Ang Kagandahang-asal
11	Ang Kahinahunan at Kabaitan
12	Ang Awa
13	Ang Pagbabawal sa Pang-aapi
14	Ang Kabanalan ng Buhay
15	Ang Karapatan ng Muslim
16	Ang Karapatan ng Kapit-bahay
17	Ang Pagiging Mapanganib ng Dila
18	Ang Pagbabawal sa Panlilibak
19	Ang Katapatan sa Pagsasalita at ang Kasinungalingan
20	Ang Pagbabalik-loob sa Allah
21	Ang Pagbati
22	Ang Kagandahang Asal sa Harap ng Pagkain
23	Ang Paggamit ng Palikuran
24	Ang Pagbahin at ang Paghikab
25	Ang Pag-aalaga ng Aso
26	Ang Pag-aalaala sa Allah
27	Ang Kaibigan
28	Ang Pagtitiis

Ang Panimula

Ang Papuri ay sa Allah, ang Panginoon ng lahat ng mga nilalang. Ang Pagpapala at pagbati ng Allah ay sumakay Muhammad at gayon din sa lahat ng kanyang mag-anak at mga kasamahan.

Inihahandog namin sa iyo, kapatid na Muslim, ang aklat na ito na tumatalakay sa ilang mahahalagang bagay tungkol sa pananampalatayang Islam na kailangang malaman ng bawat Muslim at isagawa ang mga ito sa abot ng kanyang makakaya upang masunod ang mga alituntunin ng Islam.

Ginawa naming maikli ang aklat na ito upang magiging madaling basahin at unawain. Dapat na iyong mabatid na ang aklat na ito ay magbibigay sa iyo ng maliit lamang na bahagi ng bawat paksa at hindi nito tatalakayin ang lahat ng mga patakaran at alituntunin na may kaugnayan sa naturang paksa. Bumatay at sumipi kami sa Banal na Qur'an at sa Sunnah ng Propeta (SAS) na siyang dalawang pangunahing pinagkukunan ng mga katuruan sa Islam.

Hinihiling namin sa Allah na nawa'y makinabang ang babasa sa aklat na ito. Hinihiling din namin sa Kanya, luwalhatiin Siya, na nawa'y tulungan Niya kami na makapaglathala ng iba pang mga aklat na maglalaman ng higit na maraming detalye.

Ang Kapayapaan at pagpapala ng Allah ay matamo ng ating Propeta na si Muhammad.

1. Ang Katapatan at Takot sa Allah

Ang sinasabi ng Allah: ***At walang ipinag-utos sa kanila kundi sambahin nila ng tapat ang Allah at Siya lamang ang sundin.*** (98:5)

Sabihin mo, 'Ang Allah ang aking sinasamba ng tapat at Siya lamang ang aking sinusunod.' (39:14)

Sabihin mo, 'Kung itago man ninyo ang nilalaman ng inyong mga puso o ihayag ito, malalaman pa rin ito ng Allah.' (3:29)

"Tunay na sa Allah ay walang maitatagong anumang bagay, sa langit man o sa lupa." (3:5)

Ang sinabi ni Umar ibn al-Khattab (RA):* "Narinig ko ang Sugo ng Allah (SAS) na nagsabi: *Ang halaga ng mga gawa ay nakabatay sa mga layunin at ang bawat tao ay gagantimpalaan ayon sa kanyang nilalayan, kaya ang sinuman na lumikas alang-alang sa Allah at sa Kanyang Sugo, ang kanyang paglikas*** ay para sa Allah at sa Kanyang Sugo. At ang sinuman na lumikas alang-alang sa makamundong bagay upang ito ay makamit o alang-alang sa isang babae upang ito ay mapangasawa, ang halaga ng kanyang paglikas ay ayon sa kanyang ginawa.*

Ayon kay Abu Harayrah (RA), sinabi ng Sugo ng Allah: *Hindi tinitiningnan ng Allah ang inyong mga katawan ni ang inyong mga anyo subalit ang tinitingnan Niya ay ang inyong mga gawa.*

Ayon kay Abu Dharr (RA), sinabi ng Sugo (SAS): *"Ang taong higit na karapat-dapat sa aking pamamagitan sa Araw ng Paghuhukom ay ang nagsabi ng "LA ILAAHA ILLALLAH" (walang tunay na Diyos kundi ang Allah) ng tapat mula sa kanyang puso.*

* RadiyAllahu 'Anhu ['Anha (para sa babae)]: Kalugdan siya ng Allah

*** Ang Paglikas (Hijrah sa wikang Arabe) sa Islam ay ang paglipat mula sa lupain ng mga di-Muslim papunta sa lupain ng mga Muslim. Ang Paglikas ay isang uri ng pagsamba. Nasabi ng Sugo (SAS) Sa Hadith na ito nang siya ay lumikas mula Sa Makkah patungong Madinah na sumama sa Paglikas na ang nilalayan ay ang makamundong bagay. Nilinaw ng Sugo (SAS) na ang gagantimpalaan ng Allah ay ang lumikas upang matakasan ang mga taong pumipigil sa pagtupad niya ng kanyang relihiyon. Ang Hadith na ito ay sumasaklaw rin Sa lahat ng mga gawa. Kaya kung ang gawa ay alang-alang sa Allah, bibigyan ni Allah ng gantimpala ang isang mananampalataya para Sa kanyang nagawa. Kapag hindi dalisay ang layunin, ang Allah naman ay walang pangangailangan sa katambal na itinatambal sa Kanya.

Ayon kay Abu Hurayrah (RA), sinabi ng Sugo ng Allah (SAS): *Matakot sa Allah saan ka man naroon. Pasundan mo ang masamang gawa ng mabuting gawa na siyang bubura rito. Pakitunguhan mo ang mga tao ng mabuting asal.*

Ang mga Aral

1. Ang katapatan at ang kondisyon upang matanggap ang mabuting gawa at ang dahilan kung bakit pinararami pang lalo ng Allah ang gantimpala ay nakasalalay dito.
2. Ang Allah ay hindi nangangailangan ng katambal sa pagsamba at hindi Niya tatanggapin ang anuman kung hindi rin lamang tapat na ginawa alang-alang sa Kanya. Ito ay batay sa sinabi ng Allah sa Hadith Al-Qudsi: *“Ang sinumang gumawa ng isang gawain alang-alang sa Akin at sa itinatambal niya sa Akin, iiwan ko siya kasama ng kanyang mga ginawa.”*
3. Kailangang magkaroon ka ng takot at maging matapat sa Allah sa lahat ng sandali yaman din lamang na walang anumang bagay na nalilingid sa kanya maging sa lupa man o sa langit.

2. Ang Shirk at ang Tawheed

Ang sinassabi ng Allah: ***“Tunay na ang shirk (Pagtatambal sa Allah) ay isang malaking kawalan ng katarungan.”*** (31:13)

“At naipahayag sa iyo (Muhammad) at gayon din sa mga nauna sa iyo, na kung ikaw ay magtatambal sa Allah ay totoong mawawalan ng saysay ang iyong mga gawa at ikaw ay mapapabilang sa mga talunan.” (39:65)

“Nilalang Ko lamang ang jinn at ang tao upang Ako’y kanilang sambahin.” (51:56)

At nagpadala Kami sa bawat bansa ng sugo na (ang ipinangangaral ay): “Sambahin ninyo ang Allah at iwaksi ninyo ang mga diyus-diyusan.” (16:36)

Ayon kay Jabir (RA), sinabi ng Sugo ng Allah (SAS) na: *“Ang sinumang makatagpo ng Allah ng hindi niya ito tinatambalan ng anuman ay papasok sa paraiso. At ang sinumang makatagpo ng Allah ng tinatambalan niya ito ng anuman ay papasok sa Impiyerno.”*

Ayon kay Abu Hurayrah (RA), sinabi ng Sugo ng Allah (SAS): *Pangilagan ninyo ang pitong mortal na kasalanan. Ang sabi nila, ‘O Sugo ng Allah, anu-ano po ang mga iyon?’ Ang sabi niya, ‘Ang Pagtatambal sa Allah, ...’*

Ayon kay Mu’adh bin Jabal (RA): *Habang ako noon ay nakaangkas sa likuran ng Propeta (SAS) nang siya ay nakasakay sa isang asno, sinabi niya (sa akin), ‘O Mu-adh, nalalaman mo ba ang karapatan ng Allah sa mga tao at ang karapatan ng mga tao sa Allah? Ang sinabi nito, ‘ang Allah po at (kayo na) Kanyang Sugo ang higit na nakaaalam.’ Ang sinabi niya (SAS), ‘Karapatan ng Allah sa mga tao na Siya lamang ang sambahin nila at hindi tambalan ng anuman, at karapatan naman ng mga tao sa Allah na hindi Niya parurusahan ang sinumang hindi nagtatambal ng anuman sa Kanya.....’*

Ang mga Aral

1. Ang *shirk* (pagtambal ng anuman sa Allah) ay mapanganib at hindi ito mapapatawad kung hindi pagsisisihan. Ito ay hindi katulad ng ibang mga kasalanan na maaaring mapatawad kung nanaisin ng Allah.
2. Ang sinumang mamatay na ang kasalanan ay *shirk*, mawawalan ng saysay at halaga ang kanyang gawa. Ang *shirk* ang dahilan kung bakit mananatili ang isang tao sa impiyerno magpakailanman.

3. Ang Tawheed (Pagsamba sa Allah lamang) ang siyang dahilan kung bakit nilalang ang jinn at ang tao at ito rin ang pinakapangunahing dahilan ng pagpasok sa Paraiso at ang dahilan ng kaligtasan sa Impiyerno.

3. Ang Panganib ng Pagpapakitang-tao Sapagkat Ito'y Isang Uri ng Shirk

Ang sabi ng Allah: **“Kaya kapighatian sa mga (ipokritong) nagdarasal, inaantala ang kanilang dasal, na gumagawa ng mabuti upang makita lamang (ng mga tao), ngunit tumatanggi namang magbigay ng katiting na tulong”.** (107:4–7)

Ayon kay Abu Sa'eed bin Fudalah (RA): Narinig ko ang Sugo ng Allah (SAS) na nagsabi: *Kapag tinipon na ng Allah ang buong sangkatauhan sa Araw ng Paghuhukom, ang araw na walang alinlangang darating, may isang mananawagan na magsasabing; ‘Ang sinumang gumawa alang-alang sa Allah at sa anumang itinambal niya sa Allah. Ang Allah ay hindi nangangailangan ng mga katambal.*

Ayon kay Abu Sa'eed Al-Khudree (RA): Pumunta sa amin ang Sugo ng Allah (SAS) habang pinag-uusapan namin ang tungkol sa bulaang Kristo (Al-Maseeh Ad-Dajjal) at sinabi niya (SAS), ‘ *Hindi ba't nais ninyong ipagbigay-alam ko sa inyo ang sa tingin ko'y lalong nakatatakot para sa inyo kaysa sa bulaang Kristo?’ Kaya ang sabi namin, ‘Opo, Sugo ng Allah.’ Ang sinabi niya, ‘ Ang tagong shirk. (Ang halimbawa nito ay) kapag nagsasagawa ang isang tao ng Salah ay pinagaganda niya ang pagsasagawa kapag nalaman niyang mayroong nakatingin sa kanya.’*

Ang mga Aral

1. Ang lahat ay binibigyang-babala laban sa pagpapakitang-tao at ang mga nagpapakitang-tao ay binibigyan ng mariing banta.
2. Ang tao ay maaaring makagawa ng pagpapakitang-tao nang hindi niya namamalayan, kaya dapat maging maingat.
3. Ang gawa ng nagpapakitang-tao ay tatanggihan at hindi katanggap-tanggap..
4. Ang pangamba ng Propeta (SAS) na ang kanyang mga *Sahabah* (Kasamahan) ay magkakasala ng pagkakasalang pagpapakitang-tao, sa kabila ng lahat na sila ang pinakamainan na nilikha matapos ang Propeta, ay nagpahiwatig kung gaano kapanganib ang pagpapakitang-tao.

4. Ang Panalangin

Ang sinasabi ng Allah: **“At ang sabi ng iyong Panginoon, ‘Manalangin kayo sa akin, diringgin Ko kayo.’** (40:60)

“At kapag tatanungin ka ng Aking mga lingkod hinggil sa Akin (ay sabihin mo sa kanila), ‘Ako’y malapit. Dinidinig Ko ang panalangin ng nananalangin kapag siya ay nanalangin sa Akin.” (2:186)

“Manalangin kayo sa inyong Panginoon nang taimtim at palihim. Hindi Niya minamahal ang mapagmalabis (sa panalangin)”. (7:55)

Ayon kay Nu'amn bin Basheer (RA), sinabi ng Sugo: *Ang tao ay nagiging napakalapit sa kanyang Panginoon habang siya ay nakapatirapa. Kaya damihan ninyo ang panalangin habang nakapatirapa.*

Ayon kay A'isha (RA): *Ang gustong panalangin ng Sugo ng Allah (SAS) ay ang maikli at makahulugan at ang maliban pa rito ay hindi niya ginagawa.*

Ayon kay Ubadah bin AS-Samit (RA), sinabi ng Sugo ng Allah (SAS): *Walang lingkod na Muslim na nananalangin ng isang panalangin na hindi ibinibigay ng Allah sa kanya ang kanyang hinihingi, o*

inilalaan ng Allah ukol sa kanya para sa kabilang buhay ang higit na mainam kaysa sa kanyang ipinapanalangin, o ilalayo Nito sa kanya ang isang masamang bagay na katumbas ng idinadalangin niya, hangga't hindi siya nananalangin ng masama o ng ikasisira ng ugnayang pampamilya.

Ayon pa rin sa kanya, sinabi ng Sugo ng Allah (SAS): *'Ang panalangin ng isang Muslim para sa kanyang kapatid (sa pananampalataya), habang ito ay wala, ay dinidinig. Sa tabi ng kanyang ulo ay may isang anghel na nakatalaga (upang magsabi ng Amen). Sa tuwing mananalangin siya ng mabuti para sa kanyang kapatid, ang sinasabi ng nakatalagang anghel ay: 'Amen. At sumainyo ang katulad ng ipinanalangin mo.'*

Ang mga Aral

1. Ang panalangin ay pagsambang hindi maaaring ibaling sa iba maliban kay Allah. Ang sinumang magbaling ng panalangin sa iba maliban sa Allah ay nagtambal sa Allah. Dapat mabatid na ang panalangin ay may dakilang kalagayan dahil itinuturing ito ng Sugo (SAS) na pagsamba o pinakadakilang uri ng pagsamba.
2. Higit na mainam na hinaan ang tinig sa pananalangin. Mainam ding manalangin sa pamamagitan ng mga pangungusap na malaman--- ang panalanging gumagamit ng kaunting salita ngunit puno ng kahulugan.
3. Ang tao ay pinaaalalahanang huwag manalangin laban sa kanyang sarili, pag-aari o anak.
4. Mainam ang manalangin para sa mga kapatid na Muslim habang sila ay wala.
5. Kapag nananalangin ang isang tao, hindi nangangahulugang matutupad kaagad ang kanyang hinihiling. Maaaring ilayo sa kanya ang isang masamang bagay na katulad ng idinadalangin niya upang ilayo sa kanya o ang katuparan ng kanyang panalangin ay ilalaan sa kanya sa kabilang-buhay at saka ibibigay sa araw na iyon na higit niyang kailangan.
6. Ang pagkain o paggamit ng mga bagay na nabili ng salaping galing sa ipinagbabawal (gaya ng sugal, nakaw, at iba pa) ay ilan sa mga nagsisilbing sagabal upang matugon ang panalangin.

5. Ang Karunungan

Ang sinasabi ng Allah: ***Sabihin mo, "Magkapantay ba ang mga nakaalam at ang mga hindi nakaalam?"*** (39:3) ***"Itinaas ng Allah ang mga antas ng mga sumasampalataya sa inyo at ang mga pinagkalooban ng karunungan."*** (58:11)

At sabihin mo, 'Panginoon ko, dagdagan Mo po ang aking karunungan.' (20:114)

"Ang natatakot lamang sa Allah, sa Kanyang mga lingkod, ay ang mga may karunungan. (35 :27)

Ayon kay Mu'awiyah (RA), sinabi ng Sugo ng Allah (SAS): *Kapag ninais ni Allah ang kabutihan sa isang tao, bibigyan niya ito ng karunungan sa Relihiyon.*

Ayon kay Anas (RA), sinabi ng Propeta (SAS) na: *Ang sinumang magturo ng isang karunungan, kakamtin niya ang katulad ng gantimpala ng taong gumawa ayon sa kanyang itinuro ngunit walang mababawas sa gantimpala ng taong iyon.*

Ayon kay Abu Hurayrah (RA), sinabi ng Sugo ng Allah (SAS): *Kapag namatay ang anak ni Adam (tao), humihinto ang kanyang gawa maliban sa tatlo, kawanggawa na tuloy-tuloy (na kanyang naiwan), o karunungang napapakinabangan (na kanyang naiwan), o mabuting anak na nananalangin para sa kanyang kabutihan: Isinusumpa ko sa Allah, ang mapatnubayan ng Allah ang isang tao sa pamamagitan mo ay higit na mainam kaysa sa pinakamahal na ari-arian (maaaring ari-arian ng isang tao.)*

Ayon kay Abdullah bin Amr bin Al-Ass (RA), sinabi ng Sugo ng Allah (SAS) na: *Iparating ninyo ang tungkol sa akin, kahit na isang talata lamang ng Qur'an.*

Ang mga Aral

1. Inilalahad sa mga talata ng Qur'an at mga Hadeeth na nabanggit ang kahalagahan ng karunungan at ng mga may karunungan. Na kapag ninais ng Allah ang kabutihan sa isang tao, bibigyan Niya ito ng karunungan sa Relihiyon. Na ang paghahanap ng karunungan ay isa sa mga dahilan ng pagpasok sa paraiso.
2. Malaki ang gantimpala sa pagtuturo sa mga tao, pagpatnubay sa kanila sa kabutihan, at pagpaparating sa kanila ng karunungan kahit kaunti lamang.
3. Na ang paghahanap ng karunungan ay higit na mainam kaysa sa mga pagsambang hindi sapilitan.
4. Maging masigasig na palakihin ang mga bata ayon sa Islam.

6. Ang Pag-aatas sa Mabuti at ang Pagbabawal sa Masama

Ang sinasabi ng Allah: ***“Kayo (mga mananampalataya) ang pinakamainam na bansang pinalitaw sa sangkatauhan. Iniaatas ninyo ang mabuti at ipinagbabawal ninyo ang masama at sumasampalataya kayo sa Allah.”*** (3 :110)

“Dapat magkaroon mula sa inyo ng pangkat ng mga tao na mag-aanyaya sa kagalingan at mag-aatas sa mabuti at magbabawal sa masama. At ang mga iyon ang mga matatagumpay.” (3:104)

Ayon kay Abu Sa'eed Al-Khudree (RA), narinig niya ang Sugo ng Allah na nagsabing: *Sinuman sa inyo ang makakita ng masama, baguhin niya iyon sa pamamagitan ng kanyang kamay. Ngunit kung hindi niya magagawa, (baguhin niya) sa pamamagitan ng kanyang dila. (Ang ibig sabihin ay pagsabihan niya ang gumagawa ng masama). Ngunit kung hindi pa rin niya magagawa, isapuso na lamang niya na iyon ay masama, at iyan ang pinakamahinang pananampalataya.*

Ayon kay Hudhayfah (RA), sinabi ng Propeta (SAS) na: *Nanununumpa ako sa Allah na may hawak ng aking kaluluwa, dapat ninyong iatas ang mabuti at ipagbawal ang masama at kung hindi, di-maglalaon ay padadalhan kayo ng Allah ng parusang buhat sa kanya at kung kayo man ay manananalangin, hindi kayo diringgin.*

Ayon kay Abu Bakr As-Siddeq (RA), narinig niya ang Sugo ng Allah (SAS) na nagsabing: *Tunay na kapag hindi pinigilan ng mga tao ang sinuman na nakita nila na gumagawa ng masama, silang lahat ay halos sama-samang parurusahan ng Allah.*

Ang mga Aral

1. Ang pag-aatas sa mabuti at ang pagbabawal sa masama ay isang dahilan ng tagumpay.
2. Tungkulin ng sinumang makakita ng masama na iyon ay kanyang baguhin ayon sa kanyang kakayahan.
3. Ang pagtakwil sa masama sa pamamagitan ng kamay (lakas) ay tungkulin ng sinumang nagtataglay ng kapangyarihan tulad ng ama sa kanyang tahanan o ng isang pinuno ng sinumang pumapangalawa sa kanila.
4. Sa pagtatakwil sa masama sa pamamagitan ng puso, kailangang kasuklaman at layuan ang masama.
5. Ang pagtalikod sa pag-aatas sa mabuti at pagbabawal sa masama ay isang dahilan kung bakit nahahadlangang matugon ang panalangin at ito ay isa ring dahilan kung bakit nagpapadala ang Allah ng parusa.

7. Ang Wastong Paraan ng Pag-aatas sa Mabuti at Pagbabawal sa Masama

Ang sinasabi ng Allah: **Mag-aanyaya ka sa landas ng iyong Panginoon (Islam) sa pamamagitan ng wastong kaalaman at magandang pangangaral at makipagtalakayan ka sa kanila sa paraang pinakamaganda.** (16:125)

At dahil sa habag buhat sa Allah, naging banayad ang iyong pakikitungo sa kanila, at kung nagkataon na ikaw ay naging mabagsik at matigas ang puso, magsisilayo sila sa iyong paligid. (3:159)

Ayon kay A'ishah (RA), sinabi ng Sugo ng Allah (SAS): *Tunay na ang Allah ay mabait at ibig Niya ang kabaitan sa lahat ng bagay.*

Ayon pa rin kay A'ishah (RA), sinabi ng Propeta (SAS): *Ang anumang bagay ay gumaganda kapag sinamahan ng kabaitan at ito ay pumapangit kapag inalisan ng kabaitan.*

Ayon kay Jareer bin Abdullah (RA), sinabi ng Sugo (SAS): *Ang sinumang napagkaitan ng kabaitan ay napagkaitan ng lahat ng kabutihan.*

Ang mga Aral

1. Ang isang Muslin ay hinihimok na maging mabait at gamitin ang dunong sa pag-aanyaya sa Islam at sa pag-aatas sa mabuti at pagbabawal sa masama.
2. Ang paggamit ng kabagsikan sa mga tao ay maaaring maging dahilan ng hindi nila pagtanggap sa katotohanan

8. Ang Pagiging Mabuti sa mga Magulang

Ang sabi ng Allah: **“At itinagubilin namin sa tao na maging mabuti sa kanyang mga magulang...”** (29:8)

“At iniatas ng iyong Panginoon na wala kayong sasambahin kundi Siya lamang at (inatasa Niya rin kayo) na maging mabait sa mga magulang. Kung ang isa sa kanila o kapuwa sila ay dinatnan ng katandaan sa iyong piling huwag mo siyang pagsalitaan ng lapastangang pananalita at huwag mo silang bulwayan sa halip ay kausapin mo sila sa pamamagitan ng mapitagang pangungusap.” (17 :23)

“At itinagubilin namin sa inyo na (maging masunurin at mabuti) sa mga magulang. Ang kanyang ina ang nagdala sa kanya (sa sinapupunan nito) na nanghina ng nanghina (noong siya’y ipinagbubuntis) at ang pag-awat sa pagpapasuso sa kanya ay tumagal ng dalawang taon. (Kaya) magpasalamat ka sa Akin (Allah) at sa iyong mga magulang...” (31:14)

Ayon kay Abdullah bin Mas'ood (RA): Tinanong ko ang Propeta (SAS): *“Ano pong gawain ang pinakamainam?”* Ang sabi niya: *“Ang pagsasagawa ng Salah sa takdang sandali nito.”* Ang sabi ko: *“Ano pa po?”* Ang sabi niya: *“Ang paggawa ng mabuti sa mga magulang.”* Ang sabi ko muli: *“Ano pa po?”* Ang sabi niya: *“Ang pakikipaglaban (Jihad) alang-alang sa Allah.”*

Ayon kay Abu Hurayrah (RA): May isang lalaking dumating at nagsabi sa Sugo ng Allah na: *“o Sugo ng Allah’ sino po sa mga tao ang higit na karapat-dapat sa aking magandang pakikisama?”* Ang sabi niya (SAS): *“Ang iyong ina.”* Ang sabi muli ng lalaki: *“Sino pa po?”* Ang sabi niya (SAS): *“Ang iyong ina.”* Ang sabi muli ng lalaki: *“Sino pa po?”* Ang sabi niya (SAS): *“Ang iyong ina.”* Ang sabi muli ng lalaki: *“Sino pa po?”* Ang sabi niya (SAS): *“Ang iyong ama.”*

Ang mga Aral

1. Malaki ang paggalang ng Islam sa mga magulang at ipinag-uutos nito sa isang Muslim na sundin ang kanyang mga magulang at hinihimok din siya na maging mabuti sa kanila.
2. Ang pinakaibig ng Allah sa lahat ng mga gawain matapos ang Salah na isinagawa sa takdang sandali nito ay ang paggawa ng mabuti sa mga magulang.

3. Ang isang Muslim ay binibigyan ng isang mariing babala na huwag maging suwail sa mga magulang, huwag maging magaspang sa pakikipag-usap sa kanila, at huwag silang pagmaktulan.
4. Tinalakay rin dito na sa pagiging mabuti at masunurin sa mga magulang ang ina ay una kaysa sa ama.

9. Ang Kagandahang Asal

Ang sabi ng Allah: **“At tunay na ikaw (Muhammad) ay nasa mataas na antas ng kaasalan.”** (68:4)

“At dahil sa habag mula sa Allah, naging banayad ang iyong pakikitungo sa kanila. At kung nagkataong ikaw ay mabagsik at matigas ang puso, magsisilayo sila sa iyong paligid.” (3:159)

Ayon kay Abu Darda (RA), sinabi ng Propeta (SAS): *Wala nang bagay na higit pang mabigat sa timbangan ng mananampalatayang lingkod ng Allah sa Araw ng paghuhukom kaysa sa kagandahang–Asal. Kinasusuklamaman ng Allah ang nagsasalita ng mahalay at masama.*

Ayon sa sinabi ni Abu Hurayrah (RA): *Tinanong ko ang Sugo ng Allah (SAS) kung ano ang pinakamaraming sanhi ng pagpasok ng mga tao sa Paraiso. At ang sabi niya (SAS), ‘Ang Takot sa Allah at kagandahang-asal.’*

Ayon kay Abu Hurayrah (RA), sinabi ng Sugo ng Allah (SAS) na; *Ang may pinakaganap na pananampalataya na kabilang sa mga mananampalataya ay ang may pinakamagandang-asal sa kanila. At ang pinakamabuti sa inyo ay ang pinakamabuti sa kanilang mga may-bahay.*

Ayon kay A’ishah (RA), narinig niya ang Sugo ng Allah (SAS) na nagsabing: *Maaabot ng mananampalataya sa pamamagitan ng kanyang mabuting- asal ang antas ng tao na laging nagdarasal (ng mga pagdarasal na di-sapilitan) at laging nag-aayuno (ng mga pag-aayunong hindi sapilitan).*

Ang mga Aral

1. Inilalahad dito ang kagandahang-asal ng Sugo (SAS).
2. Ang kagandahang-asal ay mahalaga at ito rin ang isa sa mga dahilan ng pagpasok ng tao sa paraiso at kung bakit itinataas ang kanyang antas. Ang lahat ng mga gawa ay titimbangin sa Araw ng Paghuhukom at ang pinakamabigat sa timbangan ng isang Muslim ay ang kanyang pagkatakot sa Allah at ang kanyang kagandahang-asal.
3. Hinihimok ng Islam ang Muslim na maging mabuti sa salita at sa gawa at nagbibigay-babala ito laban sa masagwang salita at gawa.
4. Mahalaga ang mabuting pagsasama ng mag-asawa.
5. Ang pananampalataya (Iman) ay nadadagdagan sa pagsunod sa Allah at nababawasan sa paglabag sa Kanya.

10. Ang kahinahunan at Kabaitan

Ang sabi ng Allah: **“At dahil sa habag mula sa Allah, naging banayad ang iyong pakikitungo sa kanila. At kung nagkataong ikaw ay mabagsik at matigas ang puso, magsisilayo sila sa iyong paligid.”** (3:159)

Ayon kay A’ishah (RA), sinabi ng Sugo ng Allah (SAS) na: *Tunay na ang Allah ay mabait at ibig Niya ang kabaitan sa lahat ng bagay.*

Ayon kay Ibnu Abbas (RA), ang Sugo ng Allah (SAS) ay nagsabi kay Abul Qays Ashajj (RA) na: *Ikaw ay nagtataglay ng dalawang katangiang gusto ng Allah: ang pagtitimpi at ang kahinahunan.*

Ayon kay A'ishah (RA), sinabi ng Propeta (SAS): *Ang anumang bagay ay gumaganda kapag sinamahan ng kabaitan at ito ay pumapangit kapag inalisan ng kabaitan.*

Ayon kay Jareer bin Abdullah (RA), sinabi ng Sugo (SAS): *Ang sinumang napagkaitan ng kabaitan ay napagkaitan ng lahat ng kabutihan.*

Ang mga Aral

1. Ibig ng Allah ang kabaitan at ito ang dahilan ng paglapit ng mabuting bagay.
2. Ang kabaitan at kaluwagan sa pakikitungo sa kapuwa ay ilan sa mga katangian ng mga taong karapat-dapat sa paraiso.
3. Mahalaga ang kahinahunan at iwasan ang galit.

11. Ang Awa

Ang sinasabi ng Allah hinggil sa Kanyang Propetang na si Muhammad (SAS): **“Sa mga mananampalataya (si Muhammad) ay napakamahabagin at maawain.”** (9:128)

Ang sinasabi naman ng Allah hinggil sa mga mananampalataya: **“(Ang mga mananampalataya) ay mga maaawain sa isa’t-isa.”** (48 :29)

Ayon kay Jareer bin Abdullah (RA): Ang sabi ng Sugo ng Allah (SAS): *“ Hindi pahahabagan ng Allah ang hindi (marunong) mahabag sa mga tao .”*

Ayon kay Abu Hurayrah (RA): Narinig ko si Abul Qasim (isa sa mga tag-uri kay Propeta Muhammad (SAS) na nagsabing: *“Walang pinagkakaitan ng awa kundi ang mga sawing-palad.”*

Ang mga Aral

1. Ang pagiging maawain ay isa sa mga katangian ng mga mananampalataya.
2. Ang taong marunong maawa ay kaaawaan din ng Allah.
3. Ang pagkawala ng awa sa puso ay tanda ng pagiging sawing–palad ng isang tao.

12. Ang Pagbabawal sa Pang-aapi

Ang sabi ng Allah: **“Ang mga mapang-api ay mawawalan ng kaibigan at tagapamagitan masusunod.”** (40 : 38)

Ayon kay Abu Hurayrah (RA), sinabi ng Propeta (SAS) na ang Allah ay nagsasabi: *O aking mga lingkod, ipinagbawal Ko sa Aking sarili ang pang-aapi at ginawa Ko rin itong bawal sa inyo, kaya huwag ninyong apihin ang isa’t-isa....*

Ayon kay Jabir (RA), sinabi ng Sugo ng Allah (SAS) na: *Pangilagan ninyo ang pang-aapi sapagkat ang pang-aapi ay magiging mga kadiliman sa Araw ng Paghuhukom...*

Ayon kay Mu’adh bin Jabal (RA), sinabi ng Sugo ng Allah (SAS) na : *Pangilagan ninyo ang panalangin ng naaapi sapagkat walang hadlang sa pagitan ng kanyang panalangin at ng Allah.*

Ayon kay Abu Hurayrah (RA), sinabi ng Propeta (SAS): *Ang sinumang nakagawa ng pang-aapi (o kawalan ng katarungan) sa kanyang kapuwa, sa karangalan nito o maging ano pa man iyon, nararapat siyang humingi ng kapatawaran dito bago dumating ang araw (ng pagkabuhay na muli) na wala nang halaga ang salapi (upang ipambayad sa nagawang masama). Ngunit kung siya ay walang mabuting gawa, ang bahagi ng masamang gawa ng kanyang inapi ay ipapasan sa kanya.*

Ang mga Aral

1. Ang pang-aapi ay ipinagbabawal at binibigyang babala ang sinuman laban sa pang-aapi

2. Matindi ang parusang nakalaan dito sa mundo at lalung-lalo na sa kabilang buhay.
3. Ang panalangin ng isang naapi laban sa nang-api sa kanya ay dinidinig.

13. Ang Kabanalan ng Buhay ng Muslim

Ang sinasabi ng Allah: ***“Ang sinumang pumatay nang sadya ng isang mananampalataya, ang kanyang magiging gantimpala ay impiyerno na paninirahan niya magpakailanman. Magagalit sa kanya ang Allah, isusumpa Niya siya, at ipaghahanda siya ng isang malubhang kaparusahan.”*** (4:93)

Ayon kay Abdullah bin Mas'ood (RA), sinabi ng Sugo ng Allah (SAS): *Ang unang kasalanan na hahatulan sa mga tao sa araw ng paghuhukom ay ang tungkol sa pagpatay.*

Ayon kay Abdullah bin Amr (RA), sinabi ng Sugo ng Allah (SAS): *Tunay na ang paglaho ng daigdig ay higit na magaan sa Allah kaysa sa pagpaslang sa isang Muslim.*

Ang mga Aral

1. Mariin ang babalang ibinigay laban sa pagpatay sa isang Muslim. Inilahad din dito kung gaano kabanal ang buhay ng isang Muslim para sa Allah.
2. Ang unang hahatulan sa mga tao sa Araw ng Paghuhukom ay ang mga pagpatay dahil sa ang mga ito ay lubhang napakalaking kasalanan.
3. Ang parusa dito sa lupa ay ang pananatili magpakailanman sa Impiyerno.

14. Ang Karapatan ng Muslim

Ang sabi ng Allah: ***Ang mga mananampalataya ay magkakapatid*** (49 :10)

Ayon kay Abu Moosaa (RA), sinabi ng Sugo ng Allah (SAS): *Ang mananampalataya sa kapuwa mananampalataya ay katulad ng isang gusali – pinatatatag nila ang isa't-isa.*

Ayon kay Abu Hurayrah (RA), sinabi ng Sugo ng Allah (SAS): *Ang Muslim ay kapatid ng kapuwa Muslim. Hindi niya ito pinagtataksilan, hindi pinagsisinungalingan, at hindi iniwan sa sandali ng pangangailangan nito. Ang lahat ng nasa Muslim- ang kanyang karangalan, kanyang pag-aari, at ang kanyang buhay ay hindi maaaring lapastanganin ng kanyang kapuwa. Ang takot ay narito (sa puso). Masama na para sa isang Muslim na hamakin niya ang kanyang kapuwa-tao, lalo na ang kapatid (sa pananampalataya).*

Ayon kay Anas (RA), sinabi ng Propeta (SAS): *Hindi tunay na naniniwala ang sinuman sa inyo hangga't hindi niya ninanais sa kanyang kapatid (sa pananampalataya) ang anumang ninanais niya ukol sa kanyang sarili.*

Ayon kay Abu Hurayrah (RA), sinabi ng Sugo ng Allah (SAS): *Ang Allah ay tumutulong sa kanyang lingkod hangga't ang lingkod na iyon ay tumutulong din sa kanyang kapatid (sa pananampalataya).*

Ang mga Aral

1. Ang mga mananampalataya ay kapatid ng kapuwa mananampalataya maging ito man ay bata o matanda, namumuno o nasasakupan.
2. Hinihimok ang mga Muslim na magtulungan at saklolohan, hindi upang gumawa ng kasalanan, ang lahat ng nangangailangan ng tulong.
3. Mainam ang tumulong sa nangangailangan at malaki ang gantimpalang inilaan dito ng Allah.

15. Ang Karapatan ng Kapit-bahay

Ang sabi ng Allah: **At sambahin ninyo ang Allah at huwag kayong magtambal sa Kanya ng anumang. Maging mabuti (kayo) sa mga magulang, mga kamag-anakan, mga ulila, mga nagdarahop, mga kapitbahay na kamag-anak, mga kapitbahay na di-kaanu-ano, mga kasamahan (sa paglalakbay o gawain), manlalakbay (na inyong nakatagpo)**” (4 :36)

Ayon kay Abu Hurayrah (RA), ang Propeta (SAS) ay nagsabing: *“Isinusumpa ko sa Allah, siya ay hindi nananampalataya, Isinusumpa ko sa Allah, siya ay hindi nananampalataya, Isinusumpa ko sa Allah, siya ay hindi nananampalataya! Kaya may nagtanong sa kanya: “ sino po?” Ang sabi niya (SAS): “Ang taong hindi ligtas ang kanyang kapit-bahay sa kanyang pamiminsala.”*

Ayon kay Abu Hurayrah (RA), sinabi ng Propeta (SAS): *Ang sinumang naniniwala sa Allah at sa kabilang-buhay ay huwag niyang pinsalain ang kanyang kapit-bahay. Ang sinumang naniniwala sa Allah at sa kabilang-buhay ay dapat na maging magiliw sa kanyang panauhin. At ang sinumang naniniwala sa Allah at sa kabilang buhay ay dapat na magsalita ng mabuti o manahimik na lamang.”*

Ang mga Aral

1. Hinihimok at binibigyang diin sa Islam ang paggawa ng mabuti sa mga kapit-bahay at ang hindi paggawa ng kapinsalaan sa kanila.
2. Ang isang tanda ng kaganapan ng pananampalataya ng isang Muslim ay ang paggawa niya ng mabuti sa kanyang kapit-bahay at pag-iwas niyang ito ay magawan ng kapinsalaan kahit ito ay isang di-Muslim.

16. Ang Pagiging Mapanganib ng dila

Ang sabi ng Allah: **“Ang anumang katagang kanyang bibigkasin ay may nakabantay (na anghel) na nakahandang (magtala).”** (50:18)

At huwag mong sundan ang bagay na wala kang kaalaman. Tunay na ang pandinig , ang paningin, at ang puso- ang lahat ng ito ay itatanong sa iyo (ng Allah) (17:36)

Ang sabi ng Moosa Al-Ash’ari (RA), sinabi ng Sugo ng Allah (SAS): *Ang sinumang mangako sa akin na hindi niya gagamitin sa masama ang nasa pagitan ng kanyang bigote at balbas (dila) at ang nasa pagitan ng kanyang dalawang hita (ari), ipinangangako Ko rin sa kanya ang paraiso.*

Ayon ng Abu Hurayrah (RA), sinabi ng Sugo ng Allah (SAS): *Maaaring ang isang tao ay makapagsalita ng salitang hindi niya muna pinag-isipan kung ito ay tama o mali, kaya dahil doon ay maaari siyang madapa sa impiyerno na ang lalim ay higit na malayo kaysa sa pagitan ng silangan at kanluran.*

Ang mga Aral

1. Inilalahad dito kung gaano kapanganib ang dila kaya kailangang pag-ingatan ito. Ang tao ay maaaring madapa sa impiyerno dahil sa isang salitang walang ingat niyang sinabi. Ang walang pakundangang pagsasalita ang isa sa mga dahilan ng pagpasok ng tao sa impiyerno at ang pag-iingat sa pagsasalita ang isa sa mga dahilan ng pagpasok sa paraiso. Ang pagkakamali ng maraming mga tao ay sanhi ng walang ingat nilang pagbibitaw ng mga salitang walang kabuluhan.
2. Ang mga tao ay papananagutin sa kanyang mga sinabi at mga ginawa. At ang pinakamapanganib na bahagi ng katawan na tao ay ang dila at ang ari (sex).

17. Ang Pagbabawal Sa Panlilibak

Ang sabi ng Allah: **“At huwag kayong maglibakan. Mayroon bang isa sa inyo na magnanais na kainin ang laman ng patay niyang kapatid? Tiyak na kasusuklaman ninyo ito.”** (49 :12)

Ayon kay Abu Hurayrah (RA), sinabi ng Sugo ng Allah (SAS): 'Alam ba ninyo kung ano ang panlilibak?' Ang sabi niya, 'Ang Allah at ang Kanyang Sugo ang higit na nakaaalam.' Ang sabi niya (SAS), 'Ito ay ang pagsasalita ninyo tungkol sa inyong kapatid (sa pananampalataya) ng bagay na kasusuklaman niya.' 'Ano naman po sa palagay ninyo kung ang kapatid (sa pananampalataya) kung iyon ay katulad ng aking sinasabi?', tanong ng isa sa kanila. 'Kung siya nga ay tulad ng sinasabi mo, nilibak mo na siya. At kung hindi siya katulad ng sinasabi mo, nanirang-puri ka sa kanya.'

Ang sabi ng A'isha (RA): Nagsabi ako sa Propeta (SAS): 'Sapat nang malaman mo na si Safeeyah ay ganito at ganoon (ang ibig niyang sabihin ay pandak si Safeeyah).' 'Ang sinabi mo ay isang katagang kung ihahalo sa tubig ng dagat ay magiging marumi ang dagat', sabi niya (SAS).

Ayon kay Abu Hurayrah (RA), sinabi ng Propeta (SAS): Ang Pag-aari ng isang Muslim ay ipinagbabawal na lapastanganin ng kapuwa niya Muslim – ang kanyang buhay, ang kanyang karangalan, at ang kanyang ari-arian.

Ayon kay Abu Darda' (RA), sinabi ng Propeta (SAS): Ang nangangalaga ng karangalan ng kanyang kapatid, sa araw ng paghuhukom ay ilalayo ni Allah ang apoy sa kanyang mukha.

Ang mga Aral

1. Ang panlilibak ay ipinagbabawal yamang ito ay isa sa mga malalaking kasalanan at matindi ang nakalaaang parusa sa manlilibak.
2. Ang pagsasalita ng tungkol sa isang tao ng bagay na kasusuklaman niya ay itinuturing na isang panlilibak kahit na iyon ay totoo pa.
3. Kailangang pagsabihan at pigilan ang nanlilibak sa kanyang panlilibak. Ang pakikinig sa panlilibak ay ipinagbabawal. At ang nangangalaga sa karangalan ng kapuwa Muslim ay ilalayo ni Allah sa apoy ng impiyerno.
4. Ang panlilibak ay maaaring sa salita o pahiwatig na kinasusuklaman niya,

18. Ang Katapatan sa Pananalita at ang Kasinungalingan

Ang sabi ng Allah: **Ang mga hindi lamang sumasampalataya sa mga kapahayagan ng Allah ang gumagawa-gawa ng kasinungalingan at ang mga iyon ang mga sinungaling.** (16:105)

O mga sumasampalataya, matakot kayo sa Allah, at maging kabilang sa mga tapat sa salita. (9:119)

At kung naging tapat lamang sila sa Allah, ito sana ay mabuti para sa kanila. (47:21)

Ayon kay Hassan bin Ali (RA), sinabi ng Propeta (SAS): *Iwan mo ang nakapag-aalinlangan sa iyo, sapagkat ang katapatan sa salita ay kapanatagan at ang kasinungalingan ay pag-aalinlangan.*

Ayon kay Abdullah bin Mas'ood (RA), sinabi ng Propeta (SAS): *Tunay na ang katapatan ay nagiging daan sa kabutihan at ang kabutihan ay nagiging daan sa paraiso. Ang isang tao ay magpapatuloy sa pagsasabi ng totoo at magsisikap na maging tapat hanggang sa siya ay maituring sa paningin ng Allah na isang tapat sa salita. Tunay na ang pagsisinungaling ay nagiging daan sa kabuktutan at ang kabuktutan ay nagiging daan sa impiyerno. Ang isang tao ay magpapatuloy sa pagsisinungaling at magsisikap na magsinungaling hanggang sa siya ay maituring sa paningin ng Allah na isang ubod ng sinungaling.*

Ayon kay Abdullah bin Umar (RA), sinabi ng Propeta (SAS): *May apat na katangiang kapag tinaglay ng isang tao, siya ay magiging isang ganap na mapagkunwari (Ipokrito). At kung sinuman ang nagtataglay ng isa sa pat na katangiang ito, siya ay nagtataglay ng isang katangian ng kaipokrituhan hanggang hindi na niya maiwan ang katangiang ito. (ang mga ito ay ang mga sumusunod):*

1. Kapag siya ay pinagkatiwalaan, sinisira niya ang pagtitiwala;
2. Kapag siya ay nagsasalita, siya ay nagsisinungaling
3. Kapag siya ay nangangako, hindi siya tumutupad;
4. Kapag siya ay nakikipagtalos, nagiging marahas siya sa pagsasalita.

Ang mga Aral

1. Binabalaan ang sinuman laban sa pagsisinungaling sapagkat ito ay isa sa mga katangian ng mga ipokrito at matindi ang parusa na nakalaan sa nagkakalat ng kasinungalingan sa mga tao.
2. Ang pagsisinungaling ay nauuwi sa kasamaan at ito ay isa rin sa mga dahilan ng pagpasok sa impiyerno.
3. Tinalakay rin dito ang kagalingan ng katapatan sa salita kaya hinihimok ang bawat isa na maging tapat sa lahat ng bagay.
4. Ang pagsisinungaling ay isa sa mga tanda ng kaipokrituhan.

19. Ang Pagbabalik-loob sa Allah

Ang sabi ng Allah: **“Magbalik-loob kayong lahat , o mga sumasampalataya, upang sa gayo’y magtagumpay kayo.”** (24 :31)

“O mga sumasampalataya, magbalik-loob sa Allah nang may katapatan at pagsisisi.” (66:8)

Ayon kay Al-Gharr binYasar (RA), sinabi ng Sugo (SAS): *O mga tao, magbalik-loob kayo sa Allah at humingi kayo ng patawad sa Kanya sapagkat ako nga ay nagbabalik-ploob sa Kanya isang-daang beses isang araw.*

Ayon kay Anas (RA), sinabi ng Sugo ng Allah (SAS): *Ang Allah ay higit na nalulugod sa pagbabalik-loob sa Kanya ng Kanyang lingkod kaysa sa sinuman sa inyo na natagpuan ang kanyang kamelyo (na may dala ng kanyang pagkain at inumin) matapos itong mawala sa walang kabuhay-buhay na disyerto.*

Ayon kay Anas (RA), sinabi ng Sugo ng Allah (SAS) na: *Ang lahat ng mga anak ni Adam ay nagkakamali at ang pinakamainan sa mga nagkakamali ay ang mga nagbabalik-loob.*

Ayon kay Abdullah bin Umar bin Al-Khattab (RA), sinabi ng Propeta (SAS): *Tunay na ang Allah, ang makapangyarihan at maluwalhati, ay tumatanggap ng pagsisi ng Kanyang lingkod hangga’t hindi ito naghihingalo.*

Ayon kay Abu Moosa Al-Ash’aree (RA), sinabi ng Propeta (SAS): *Iniaabot ng Allah ang Kanyang kamay sa gabi upang makapagsisi ang nakagawa ng masama sa araw at iniaabot Niya ang Kanyang kamay sa araw upang makapagsisi ang nakagawa ng masama sa gabi. Ginagawa Niya ito hangga’t hindi pa sumisikat ang araw sa kanluran (na siyang tanda ng pagwawakas ng mundo).*

Ang mga Aral

1. Kailangang magbalik-loob sa Allah sa lahat ng oras maging ano pa man ang kasalanan at maging gaano man ito kalaki. Ang pagbabalik-loob ay isa sa mga dahilan na ikapagtatagumpay at ikaliligtas ng isang tao.
2. Ang pagbabalik-loob sa Allah ay lubhang napakahalaga. Ang habag at kabutihan ng Allah ay napakalawak anupa’t Siya ay nagagalak sa pagbabalik-loob ng isang tao sa Kanya.
3. Ang pagkakamali ay isa sa mga kalikasan ng tao. Gayunman, kailangan pa rin niyang pagsisihan at ihingi ng kapatawaran ang kanyang mga kasalanan.

Ang Kundisyon sa Pagbabalik-loob

- A. Na kailangang ang pagbabalik-loob ay bago maghingalo ang isang tao.

- B. Na ito ay kailangang bago sumikat ang araw sa kanluran dahil kapag nagkagayon ay wala nang saysay ang pagbabalik-loob.
- K. Na ang sinumang magsisi ng tapat sa kasalanan at saka magbalik sa dating kasalanan, ang una niyang pagsisi ay tanggap pa rin subalit kailangan niya ang panibagong pagsisi pa sa binalikang kasalanan.
- D. Na kailangan talikuran ang kasalanan, pagsisihan ang mga nagawang pagsuway sa Allah, at maging desididong hindi magbabalik sa kasalanan.

20. Ang Pagbati

Ang sabi ng Allah: **“O mga sumasampalataya, huwag kayong pumasok sa mga bahay na hindi ninyo pag-aari hanggang hindi kayo humihingi ng pahintulot at bumabati sa nakatira roon.”** (24 :27)

Ayon kay Abu Hurayrah (RA), sinabi ng Sugo ng Allah (SAS): *Hindi kayo makapapasok sa paraiso hanggang hindi kayo nananampalataya at hindi kayo nananampalataya hanggang hindi kayo nagmamahalan. Hindi ba't nais ninyong patnubayan ko kayo sa isang bagay na kapag inyong ginawa ay mamahalin ninyo ang isa't-isa? Ipalaganap ninyo ang pagbati (ng AS-Salaamu Alaykum) sa bawat isa sa inyo.*

Ayon kay Abdullah bin Salam (RA), nirinig niya ang Sugo ng Allah (SAS) na nagsasabi: *O mga tao, magbatian kayo (ng AS-Salaamu Alaykum), magpakain kayo (sa inyong kapuwa), patatagin ninyo ang ugnayang pampamilya, at magdasal kayo sa gabi habang ang mga tao ay natutulog at kayo ay mapayapang papasok sa paraiso.*

Ayon kay Abu Hurayrah (RA), sinabi ng Sugo ng Allah (SAS): *Kapag may isa sa inyo na dumating sa pagtitipon, batiin niya (ng As-Salaamu Alaykum) ang mga naroroon. At kung ibig niya na umupo ay umupo siya at kung nais niyang tumayo upang lumisan ay bumati uli siya sapagkat ang unang pagbati ay hindi naman higit na mahalaga kaysa sa huling pagbati.*

Ang mga Aral

1. Ang pagbati ay mahalaga sapagkat ito ay isang dahilan ng pagmamahalan na siya namang dahilan ng pagpasok sa paraiso.
2. Mabuting batiin (ng As-Salaamu alaykum) ang kapuwa Muslim, kilala man siya o hindi sapagkat ang pagbati ay hindi lamang para sa kakilala.
3. Ang paraan ng pagbati ayon sa Propeta (SAS) ay “As-Salaamu Alaykum” (Ang kapayapaan ay sumainyo). Kung dadagdagan man ang pagbating ito ng “Wa rahmatullah” (at ang habag ng Allah) ay higit na mainan. At kung ang idadagdag naman ay “ wa Rahmatullahi wa Barakatuh” (At ang habag ng Allah at ang kanyang biyaya), ay siyang pinakamainan. Ang pagbati ay kailangan gantihan ng katulad ng ibinati ngunit higit na mabuti kung dadagdagan pa ng karagdagan mga salita ng pagbati.
4. Huwag batiin ng AS-Salaamu alaykum ang mga hindi mananampalataya ngunit kapag sila ang naunang bumati sa atin, ang ating itutugon ay “ Wa Alaykum” (At sumainyo).
5. Kung sa isang pagtitipon ay magkahalo ang mga Muslim at ang mga Hindi Muslim, maaari rin silang batiin, ngunit ang nilalayon ng pagbating iyon ay dapat ang mga Muslim.
6. Itinatagubiling magbatian ang mga Muslim kapag naghihiwalay at muling nagkita, kahit sabihin pang nagkahiwalay lamang sa loob ng maikling sandali.
7. Ipinagbabawal ang pagpasok sa mga pamamahay ng iba nang walang pahintulot mula sa mga nakatira rito.

21. Ang Kagandahang–Asal sa harap ng Pagkain

Ayon kay A'isha (RA), sinabi ng Sugo ng Allah (SAS) na: *Kapag kakain, sasabihin ang 'BISMILLAH' (Sa Ngalan ng Allah). Subalit kung nakalimutan at naalaala lamang sa bandang huli, sabihin ang 'BISMILLAH' fee awwalihi wa akhirihi' (Sa Ngalan ng Allah, sa simula at sa katapusan nito).*

Ayon kay Umar bin Abu Salamah (RA), sinabi sa akin ng Sugo ng Allah (SAS): *Sabihin mo ang 'BISMILLAH' (bago kumain), kumain ka sa pamamagitan ng iyong kanang kamay, at kainin mo ang (pagkaing) malapit sa iyo.*

Ayon kay Abdullah bin Umar (RA), sinabi ng Sugo ng Allah (SAS): *Wala sa inyong kakain ni iinom sa pamamagitan ng kaliwang kamay sapagkat ang demonyo ay kumakain at umiinom sa pamamagitan ng kanyang kaliwang kamay.*

Ayon kay Abu Hurayrah (RA): *Walang pinintasang pagkain ang Sugo ng Allah (SAS). Kung maiibigan niya ang pagkain ay kakainin niya at kung hindi niya maibigan ay iiwan niya ito.*

Ang mga Aral

1. Itinatagubilin ang pagbigkas ng 'BISMILLAH' kapag kakain at kung makalimutan mang sabihin ito at naalaala lamang habang kumakain na, sabihin ang "Bismillahi fee awwalihi wa akhirihi."
2. Ipinagbabawal ang pagkain sa pamamagitan ng kaliwang kamay sapagkat ito ay katulad ng ginagawa ng demonyo. Ipinahihintulot lamang ang pagkain sa pamamagitan ng kaliwang kamay kung may makatuwirang dahilan.
3. Bilang pagsunod sa Propeta (SAS), hindi dapat pintasan ang pagkain, Sa halip, kung gusto ay kainin at kung ayaw ay huwag kainin. Gayunman, ipinahihintulot ang pagbanggit ng kapintasan ng pagkain kung ang layunin ay ang pagbibigay-alam.

22. Ang Paggamit ng Palikuran

Ayon kay Anas (RA): *Kapag nais ng Sugo ng Allah (SAS) na pumasok sa palikuran ay nagsasabi muna siya ng ' ALLAHUMMA INNEE A'OODHU BIKA MINAL KHUBUTI WAL KHABAA'ITH' (O Allah, ako po ay nagpapakupkop sa iyo laban sa masama at mga demonyo).*

Ayon kay A'isha (RA): *Kapag ang Sugo ng Allah (SAS) ay nakalabas na sa palikuran, ang sinasabi niya ' GHUFRANAK' (Hinihingi ko po ang lyong kapatawaran).*

Ayon kay Jabir bin Abdullah (RA): *Ipinagbabawal ng Sugo ng Allah (SAS) na umihi sa tubig na hindi umaagos.*

Ang mga Aral

1. Bago pumasok ang isang Muslim sa palikuran, mainan na sabihin niya ang "ALLAHUMMA INNEE A'OODHU BIKA MINAL KHUBUTI WAL KHABAA'ITH" at kapag nakalabas na siya ay sabihin niya ang "GHUFRANAK".
2. Kapag dudumi o ihi sa labas (kung walang palikuran) kailangang hindi makita ng ibang tao ang AWRAH (para sa mga lalaki, ang bahagi ng katawan sa pagitan ng pusod at tuhod) at kailangang lumayo at huwag magpakita sa mga tao. Kailangang huwag humarap o tumalikod sa QIBLAH (ang dakong kinaroroonan ng KA'ABAH) kapag ihi o dudumi.
3. Kailangang sikapin na hindi mabahiran ng ihi o dumi ang kasuutan at kailangang maglinis na maigi pagkatapos umihi o dumumi, sa pamamagitan ng tubig hanggang maaari.
4. Inilalahad dito ang pagiging ganap ng pananampalatayang Islam na sinasaklawan at nililinaw ang lahat ng mga bagay pati na ang kagandahang asal sa paggamit ng palikuran.

23. Ang Pagbahin at ang Paghikab

Ayon kay Abu Hurayrah (RA), sinabi ng Propeta (SAS) na: *Gusto ng Allah ang pagbahin at ayaw Niya nang paghihikab. Kaya kapag bumahin ang sinuman sa inyo at nagsabi ng "ALHAMDULILLAH" (Purihin ang Allah), tungkulin ng bawat Muslim na nakarinig sa kanya na sabihin ang "YARHAMUKALLAH", Ang paghihikab naman ay galing sa demonyo. Kaya kapag naghikab ang sinuman sa inyo, kailangang pigilin niya iyon sa abot ng kanyang makakaya. Sapagkat kapag naghiihikab ang sinuman sa inyo, pinagtatawanan siya ng demonyo.*

Ayon pa rin kay Abu Hurayrah (RA), sinabi ng Sugo ng Allah (SAS) na: *Kapag bumahin ang sinuman sa inyo, sabihin niya Ang "ALHAMDULILLAH" at ang kapatid naman niya (sa pananampalataya) o kasama ay kailangang magsabi ng "YARHAMUKALLAH." Pagkatapos naman niyang magsabi ng Yarhamukallah ay sasabihin naman ng bumahin na "YAHDEEKUMULLAH WA YUSLIH BAALAKUM" (Patnubayan kayo ng Allah at nawa'y gawin Niyang mabuti ang inyong kalagayan).*

Ayon kay Abu Moosa (RA): *Narinig ko ang Sugo ng Allah (SAS) na nagsabing: "Kapag bumahin ang sinuman sa inyo at nagsabing "ALHAMDULILLAH", magsabi kayo ng "YARHAMUKALLAH" sa kanya. At kung hindi siya nagsabi ng Alhamdulillah, huwag din kayong magsabi ng Yarhamukallah.*

Ayon kay Abu Hurayrah (RA): *Kapag bumabahin ang Propeta (SAS), tinatakpan niya ng kanyang kanyang kamay o kanyang damit ang kanyang mukha at hinihinaan niya ang tunog (ng bahin).*

Ang mga Aral

1. Kapag nakarinig ng bahin ang sinuman, magsabi siya ng "Yarhamukallah" sa bumahin kung ito ay nagsabi ng 'Alhamdulillah" matapos bumahin.
2. Kapag hindi siya nagsabi ng "Alhamdulillah", huwag din siyang sabihan ng "Yarhamukallah".
3. Makabubuting pigilan o itago ang paghihikab.
4. Makabubuting takpan ng kamay ang bibig kapag naghiihikab.
5. Makabubuting takpan ang mukha ng damit o kamay o panyo kapag naghiihikab
6. Masagwang lakasan ang tunog kapag bumabahin o naghiihikab.

24. Ang Pag-aalaga ng Aso

Ayon kay Abu Hurayrah (RA), sinabi ng Sugo ng Allah (SAS) na: *Ang sinumang nag-aalaga ng aso, maliban sa asong ginagamit sa pagbabantay ng mga alagang hayop o sa pangangaso o sa pagbabantay ng pataniman, ay nababawasan araw-araw ang kanyang gantimpala ng kasinlaki ng qeerat. (ang qeerat ay kasinlaki ng bundok. Kaya ang nag-aalaga ng aso ay nawawalan ng gabundok na gantimpala araw-araw).*

Ayon kay Abu Hurayrah (RA), sinabi ng Sugo ng Allah (SAS) na: *Kapag dinilaan ng aso ang lalagyan (ng inumin at pagkain) ng sinuman sa inyo, hugasan ninyo ito nang pitong ulit at pagkatapos ay kuskusin ng lupa bilang ikawalong (paglilinis dito).*

Ang mga Aral

1. Ang pag-aalaga ng aso ay ipinagbabawal kung hindi rin lamang gagamitin sa pangangaso o pagbabantay ng mga alagang hayop o ng pataniman.
2. Ang mga aso ay dapat layuan at iwasan ang pag-aalaga ng mga ito.
3. Ang dinilaan ng aso ay lubhang marumi anupa't kung ang dinilaan ay lalagyan ng pagkain o inumin, kailangang ito ay pitong ulit na hugasan at pagkatapos ay kuskusin ng lupa.

25. Ang Pag-aalaala Sa Allah

Ang sabi ng Allah: **“At alalahanin ninyo ang Allah nang madalas nang sa gayo’y magtagumpay kayo”.** (62:10)

“O mga sumasampalataya, alalahanin ninyo ang Allah nang madalas na pag-aalaala at luwalhatiin ninyo Siya umaga at gabi.” (33 :41)

Ayon kay Abu Moosa Al-Ash’aree (RA), sinabi ng Propeta (SAS): *Ang kahalintulad ng umaalaala sa kanyang Panginoon at ng hindi umaalaala sa kanyang Panginoon ay katulad ng buhay at patay.*

Ayon kay Abu Hurayrah (RA), sinabi ng Sugo ng Allah (SAS): *May dalawang salitang magaan sa dila, mabigat sa timbangan (ng mga gawa), pinakamamahal ng Pinakamahabagin (Allah): Ang “ Subhaanallahi wa Bihamdih” at ang “Subhaanallahil Adheem” (Luwalhatiin ang Allah at Purihin Siya at Luwalhatiin ang Allah na Dakila).*

Ayon pa rin kay Abu Hurayrah (RA), sinabi ng Sugo ng Allah (SAS): *Ang ako’y magsabi ng “Subhaanallahi wal hamdulillahi” (Luwalhatiin ang Allah at Purihin ang Allah) at “ La Ilaaha IllaLLahu waLLahu Akbar” (walang tunay na Diyos kundi ang Allah, ang Allah ay dakila) ay mas ibig ko pa kaysa sa lahat ng bagay na sinisikatan ng araw.*

Ayon kay jabir (RA): *Narinig ko ang Sugo ng Allah (SAS) na nagsabing: “Ang Pinakamainam na salita sa pag-aalaala (sa Allah) ay: “La Ilaaha IllaLLah” (walang tunay na Diyos kundi ang Allah)*

26. Ang Kaibigan

Ang sabi ng Allah: **“Ang mga magkakaibigan, sa araw na iyon, ay magiging mga magkakaaway maliban sa mga may takot sa Allah.”** (43:67)

“At sa araw na kakagatin ng mapang-api ang kanyang kamay (dahil sa pagsisisi) ay sasabihin niya: “Oh, kung sana’y tinahak kong kasama ng Sugo ang landas (ng katotohanan). Ah! Kapighatian sa akin! sana’y hindi ko ginawang kaibigan si kuwan. Tunay na inilayo niya ako sa paalaala (Qur’an) matapos na ito,y dumating sa akin.”... (25 :27–29)

“At babalingan nila ang isa’t-isa sa kanila at magtatanungan. May isa sa kanila na magsasabing: “Tunay na ako ay may kasamahan (Sa daigdig) na nagsasabing: “kabilang ka ba sa mga naniniwala (sa pagkabuhay na muli?) Na kapag tayo ay namatay at naging alabok at mga buto, tayo ba ay (bubuhaying muli) upang gantimpalaan o parusahan (ayon sa ating gawa?)” Ang sabi niya: “ Titingin ba kayo sa ibaba?” kaya tumingin siya at nakita niya (ang kanyang kasama sa daigdig) na nasa gitna ng apoy. Ang sabi niya: “isinusumpa ko sa Allah, kamuntik mo na akong masira. At kung hindi dahil sa pagpapaalaala ng aking Panginoon, kabilang na sana ako sa mga dinala sa (Impiyerno)”. (37:50-57)

Ang sabi ng Sugo (SAS): *Ang isang tao ay tumatahak sa landas ng kanyang kaibigan; kaya tingnan ng bawat isa sa inyo ang kanyang kinakaibigan.*

Ang sabi ng Sugo (SAS): *May pitong uri ng tao ang pasisilungin ng Allah sa kanyang lilim, sa araw na walang lilim kundi ang Kanyang lilim lamang: ang dalawang tao na nagmamahalan alang-alang sa Allah; nagkikita lang-alang sa Kanya at naghihiwalay alang-alang sa Kanya.....*

Ang mga Aral

1. Hindi maiwasang magkaroon ng kaibigan ang isang tao; kaya dapat na maging masigasig na magkaroon ng mabuting kaibigan na papatnubay at tutulong sa kabutihan.
2. Ang kaibigan ay maaaring maging isang matinding kaaway kung siya ay nagtutulak sa pagsuway at di-pagsampalataya sa Allah.
3. Mag-ingat sa pakikipagkaibigan sa mga di-mananampalataya sapagkat maaari silang makasagabal sa isang Muslim sa paggawa ng mabuti at pagsunod sa Allah.

27. Ang Pagtitiis

Ang sabi ng Allah: “**O mga sumasampalataya, magtiis kayo at higitan ninyo sa pagtitiis (ang inyong mga kaaway)...**” (3:200)

“At tiyak na susubukin Namin kayo ng pagsubok na tulad ng pangamba at gutom, pagkawala ng mga ari-arian, mga buhay (ng minamahal), at mga bunga (ng mga pananim); kaya iparating mo ang magandang balita sa mga matiisin.” (2:155)

Ayon kay Abu Suhayb bin sinan (RA), sinabi ng Sugo ng Allah na: *Nakatutuwa ang kalagayan ng mga mananampalataya. Ang lahat ng nangyayari ay mabuti para sa kanya. Ang katangiang ito ay hindi tinataglay ng sinuman maliban sa mananampalataya. Kung datnan siya ng kalugod-lugod na bagay, siya ay nagpapasalamat (sa Allah) at iyon ay mabuti para sa kanya; at kung datnan siya ng kasawiang-palad, siya ay nagtitiis at iyon ay mabuti para sa kanya.*

Ayon kay Anas (RA), sinabi ng Sugo ng Allah (SAS): *Ang Allah, ang makapangyarihan at maluwalhati, ay nagsabing: “Kapag sinubok Ko ang Aking lingkod sa pamamagitan ng pagbulag sa kanyang dalawang mata at siya naman ay nagtiis, ang ipapalit ko sa mga mata ay paraiso.”*

Ayon kay Abu Hurayrah (RA), sinabi ng Sugo ng Allah (SAS): *Ang pagod, sakit, pagkabagabag, kalungkutan, kapinsalaan, lumbay na dumarating sa isang Muslim, pati na ang tinik na nakatinik sa kanya ay ginagamit ng Allah na pang-alis sa kanyang mga pagkakasala.*

Ayon pa rin kay Abu Hurayrah (RA), sinabi ng Sugo ng Allah (SAS): *Ang pagsubok sa lalaki at babaeng mananampalataya – sa kanyang sarili, sa kanyang anak, at pag-aari – ay hindi titigil hanggang hindi nakakatagpo ang Allah na wala na siyang pagkakamali.*

Ang mga Aral

1. Ang isang Muslim ay hinihimok na magtiis sa lahat ng mga mangyayari at mag-ingat na huwag maghihinakit sapagkat ito ang dahilan ng pagkawala ng gantimpala sa pagsubok.
2. Ang pagkakasala ng isang Muslim ay inaalis ng mga pagsubok na dumarating sa kanya.
3. Ang nagtiis upang masunod ang Allah at ang nagtiis upang maiwasan ang mga pagsuway sa Kanya ay ang pinakamainam na uri ng pagtitiis.
4. Dapat na masiyahan ang isang Muslim sa kapalarang ibinabahagi sa kanya ni Allah yamang ang Allah ay maalam at marunong at Siya ang higit na nakababatid sa ikabubuti ng kanyang lingkod.

وصلی الله وسلم وبارک علی نبینا محمد وعلی آله وصحبه أجمعین